


مسرحية

تأليف :
مهمل محمد

الله بجني خارج




الامداد
.....

الى مصر التي تتشدد الرخاء

على ضفاف نيلها

جلال محمد



التغيير

.....

التغيير . ليس تغييرا فى الوجوه وتبديلا فى الافراد
المدنيين بل هو المسئولية الوزارية أو الحزبية اذا كان
هذا هو التغيير فلاداعى له

اذا كان هناك حائط على وصلنا جميعا اليه ولا نرى
ما وراءه . فلقد غابت عن عيوننا وعقولنا آفاق
المستقبل وتصورات العمل الوطنى من أجل حياة أفضل
وهذه هى بداية الانهيار . التغيير لابد منه . عندما
نحس أن الحرس القديم قد سكن أبراجا عاجيه بعيدة
عن مشكلات الأجيال الصاعدة التغيير ضرورى
هنا عندما نحس بأن الحرس القديم قد حفر طريقه
وحصل على حقوقه منذ فترة شبابه ولا يريد للأجيال
الجديدة أن تشق طريقها الا كيفما يرى وبحقوق
أقل مما حصل عليه . التغيير ضرورى عندما يحس الجيل
الصاعد بأن الحرس القديم حصل على مستوى فى الحياة
أعلى من مستوى الحياة التى يعيشها الجيل الصاعد

الآن • وهذا عكس التقدم ولا يمكن أن يتحملة هذا الجيل التغيير ضرورى عندما تزداد الشعارات والكلمات عن خطط تنمية لا تنفذ التغيير هو القضاء على الفساد •


• التغيير ضرورى باقتناع الحرس القديم بأنه أصبح عبثاً وأن علوم المستقبل قد أستوعبتها عقول الشباب التغيير ضرورى لان عقد الحرس القديم وتجاربه توقف المسيرة وتعطل اتخاذ القرار السليم وتتبعد عن الرؤية الصحيحة رغم أنها أمام عينيه التغيير ضرورى لان مسيرة الحياة عزيمة الشباب وسواعده وليس حكمة الشيوخ وكلماته ونصائحه فقط •

• التغيير ضرورى لان الحياة مجهود ببذل وليس كلمات تردد • التغيير هو عقليات لها تصور واضح ومنهاج عمل وأسلوب علمى بأن فى الامكان أن تحيا مصر السبعين مليون عام ٢٠٠٠ ان شاء الله وأن هناك خطط جاهزة لتنمية مصر وانه فى الامكان التغلب على المشكلات •

أما إذا أقنع الحرس القديم الأجيال الصاعدة بأنه
ليس في الامكان أبدع مما كان • وأن الجيل الصاعد
أقل مستوى من جيلهم القديم فان هذا معناه تخلف أمه
وتجمد الحياة النابضة في قلوب الشباب وعقولهم وتلك
جريمة • الحرس القديم إذا أحس أنه يقف أمام حائط
عالي وأن عقله قد شل عن التفكير وأنه ليس في الامكان
أبدع مما كان فعليه أن يترك مكانه •• لا بداع جيل
جديد التغيير في العقليات وليس في الوجوه •••

المؤلف

جلال محمد



مسرحية
طيب الله خاطرکم

بقلم
جلال محمد

جميع الحقوق محفوظة
الطبعة الأولى
ذو القعدة ١٤١١ هـ - مايو ١٩٩١ م

شخصيات المسرحية

- ١ - محى الشلقامى وكيل وزارة الثقافة
 - ٢ - سمير محى الشلقامى
 - ٣ - أم سمير
 - ٤ - يسرى الاثوح الصحفى
 - ٥ - الفنان
 - الوزير
 - ٦ - يمنى المذيمة التلفزيونية
 - ٧ - ابراهيم سمعد
 - ٨ - حمدي عبد الجبار
 - ٩ - يسرى البيللى
 - ١٠ - حسام محمود
 - ١١ - سمعد طلخان المليونير
 - ١٢ - احمد صبرى ، صديق المليونير
 - ١٣ - ايمن ، مدير مكتب وكيل الوزارة
 - ١٤ - فايز عباس ، صاحب نادى ثقافى بشارع القلعة
 - ١٥ - يوسف الصعيدي ، رسام
 - ١٦ - احسان : رسام
 - ١٧ - ايمن : رسام
 - ١٨ - سمعد : رسامة
 - ١٩ - اسماء : رسامة
 - ٢٠ - يسرى : الشهير بأشهر : رسام
 - ٢١ - احمد شرف الحامى
 - ٢٢ - سمير زجال
 - ٢٣ - وكيل النيابة
- مجموعة من الرسامين ، مجموعة من عساكر الامن المركزى ، ضباط
ضيوف الندوة فى المسرح الصغير بالاوبرا ، وقصر الفورى

مقدمة

فى التصميم الدائب على حياة كريمة ، يحدث للبعض أن يدخل فى صراع مستميت فى هذه الحياة ، من أجل حياة كريمة ، تكفى الانسان بالكاد خلالها ان يكسب ما يكفيه من زاد ، ويحمد ربه لو استطاع ان يعيش شهرا كاملا من شهور السنة لا يستدين فيه من ذويه أو أصدقائه •

وفى خضم المشكلات اليومية وغلاء المعيشة ، تتفجر قضية المقتنيات الثمينة لبعض الباشوات ، اشترى أغلاما محمد محمود خليل الذى ثارت عليه الصحف ، فى ذلك الوقت ، كى يهديها الى تلك المدللة الصغيرة التى تزوجها فى شيخوخته كان هذا الذى حدث قبل الخمسينات ، من هذا القرن • وحقيقة لم أحاول أو ادخل الى اللوحات التى اقتناها مدخلا دراميا يتناول تلك الحكايات ، التى هى عبارة عن جزء من تاريخ حياته • وأنى اذا وجد اهتماما حقيقيا بمسرحيتى هذه،فان تناول

تلك الفترة دراميا ممكن لتبدء به أحداث فيلم متكامل ،
ولعلنى أوضح ان عدم تناولى لهذا الجزء التاريخى
لا يعتبر تكاسلا ، بل أسلوب منطقى ، ينبع من شخصيتى
وهو ميلى لتناول الامور الواقعية أولا ، أى تناول
الموضوع من آخره ، وليس من أوله لان الآخر هى تلك
الفترة التى نعيشها نحن ولا بد من اثرائها ، بدلا من
تضييعها فى الحديث عن اثراءات الآخرين ونواقصهم ،
ولو تعلم جيلنا هذا الاسلوب الغير مستغرق فى الماضى ،
ويكون جيلا عمليا ، بينى حاضره ، بدلا من تضييعه فى
دراسة ما مضى نظريا فان معجزة يمكن ان يحققها فعلا
شعب مصر ، المستوعب للكثير والقادر على العطاء
وعلى الانجاز . كل هذا مع شغفى بالتاريخ ودروسه
المستفادة ، الا اننا لا بد وان نكتب تاريخ جيلنا ،
ولا نتفرغ فقط لدراسة التاريخ ، ولذلك فلقد اكتفيت .
بكتابة هذه المسرحية من خلال تلك الفترة الحالية والتى
نعيشها . ، والتى لا بد ان تكون تسجيلا لمشاعر وحياة
جيل وكيف تصورت كمؤلف كيف ستكون آراء كل
شخصية ممثلة لمجموعة ضخمة متكررة ، لهذه الشخصية
فى المجتمع . ان هذه المسرحية انفعال حقيقى منى تجاه

هذا الموضوع ورغم حبى للفن ، الا اننى مع كل الآراء
التي أيدت بيع اللوحات الفنية فى مسرحيتى هذه .


ورغم ذلك فستجدنى استغرق فى كتابة مسرحية
« حدث فى أيام المجاعة » ، وهو حدث واقعى ولكنه حدث
منذ قرون مضت ، الا ان الحدث ليس جزءا من تاريخ
حياة شخصية ، بل حدث فى تاريخ حياة الشعوب ،
وحدث عشناه ، عندما عم الجفاف افريقيا ، ووجدنا
المجاعة تجتاح بلاد كثيرة . وكنا نحن المصريين نرصد
رصيد المياه ببحيرة السد العالى كل يوم ، ونتابع فى
خوف كمية الامطار التى تجود بها السماء ، وتأتى الى
البحيرة ، حيث تخزن المياه ، كل هذا عايشناه فى أعوام
١٩٨٨ و ١٩٨٩ . وبعد الجفاف جاء الطوفان .

وستجد ان الفصل الخامس فى مسرحية « حدث فى
أيام المجاعة » يتناول الواقع الحالى فى نهاية
التسعينيات . فى تلك الفترة التى نعيشها ، ولنقارن بين
المجاعة فى القرون الماضية والمجاعة فى عصر غزو
الفضاء .



اللوّحات المعلقة

خشبّة المسرح طيلة العرض المسرحى معلق على البرواز العلوى لوّحات مقلّدة لتلك اللوّحات العالمية الموجودة بمتحف محمود خليل والجزيرة • وقد علقت كأنها ثريات وقد سلطت عليها الأضواء •



الفصل الأول

المنظر الأول

منزل محى الشلقامى ، وكيل وزارة الثقافة
غرفة المعيشة ، حيث انتريه حديث أرابيسك
آية قرآنية معلقة على الحائط •

المشهد الأول

سمير — بابا انت مش وكيل وزارة
محى الشلقامى — عندك شك
سمير — عندى ضغط
محى الشلقامى — ليه ؟
سمير ؟ — لغاية دلوقت مالتيليش وظيفة
محى الشلقامى — مستعجل ليه ؟ العلاوة الجديدة اللي
جايه لى خدها •
مش مرتب الخريج الجديد ••

جنيه .. خدعم كل شهر حتى تظهر
وظيفة .

سمير - امال ابن الموظف الصغير يعمل ايه اذا
كنت وكيل وزارة ولغاية دلوقت
ماشفتليش وظيفة .

أم سمير - يا أبو سمير ابنك ما يصحش حتى قدام
الجيران يمر على تخرجه ه أشهر
ومايتوظفش .. وكيل وزارة مالوش
سلطات والا ايه ؟

أبو سمير - ياست هانم القضية مش كده ..

أم سمير - لا هيه كده .. أمام الجيران كده ..
تبقى مش وكيل وزارة .. الجيران
حيفتكروا اننا كدابين وبنقول عليك
وكيل وزارة .

أبو سمير - مش مهم .. المهم الوظيفة اللي أنا
عاوزها له لسه ما ظهرتش .. أنا عاوز
وظيفة يأخذ في أول تعيين له مرتب
مدير عام في الحكومة .. فهمتي يا أم
سمير ..

أم سمير - والنبي !!
أبو سمير - والله .. خلينا نشوف شغلنا .
سمير - موضوع لوحات متحف محمد محمود
خليل باشا مثاره النهارده في الجرايد
أبو سمير - ايه الموضوع ؟
سمير - فيه اقتراح ببيعها لسداد ديون مصر .
أبو سمير - انت قرئت الجرنال قبلى ..
سمير - طبعا .. فاضى . (يفرج)

المشهد الثانى

(التليفون يدق)

وكيل الوزارة - ايوه يا سيادة الوزير .. احنا ناويين
نعمل ندوة لاعلام الفكر في البلد
علشان يقولوا رأيهم النهائى في
الموضوع .. وأى أوامر .. طيب مع
السلامه ..

أيوه يا أم سمير .. أنا مشغول
بموضوع الساعة .. انسينى لـ
أسبوع أنا في غرفة العمليات .

أم سمير — بعد الشر ..
وكيل الوزارة — ماتخافيش أنا مش في غرفة عمليات
مستشفى .. أنا في غرفة عمليات
المتابعة لمدة أسبوع لغاية الحالة لما
تهدى .. وموضوع بيع اللوحات
يقتنى ..

أم سمير — ماتنساش تجيب لنا لوحه معاك
وكيل الوزارة — أجيب لوحه .. انت عارفه تمنها كام ؟
.. ملايين ..

أم سمير — طيب ما تتأخرش
(الاستاذ يسرى الانشوح عتلى
التليفون) ..

يسرى الانشوح — صباح الخير يامحى بيه .. ايه رأى
حضرتك في الاقتراح اللي أثير
النهارده .. لازم نتصدى له بقوة ..
مش معقول البلد ييقالها في النهاية
الفول هو اللي موجود فيها .. لوحات
تري دى نبيعهما السنة دى السنة

الحلية الله أعلم حندور نبيم ايه

تانى ..

وكيل الوزارة - والله أنا فكرت فوراً في عقد ندوة في
الأوبرا الجديدة علشان نبص وننضج
ونشج كل الأفكار السقيمة دي ..
دي أفكار أعداء التقدم وحب
الجمال ..

الصحفى - يا صباح الجمال .. امتى الندوة انشاء
الله ؟

وكيل الوزارة - في الاسبوع ده فوراً .. بالسلامة ..

المنظر الثانى

الندوة في المسرح الصغير بدار الأوبرا المصرية ،
والتي بنتها اليابان بأيدي يابانية ، ولم يعمل في انشائها
مصري واحد ، الا حرس أمن البوابات . وأهدت
اليابان مصر القرض الذى خصص لبناء هذه الأوبرا
والتي يتميز تصميمها من الخارج بالطراز الاسلامى ،
ذوى القباب .

وديكور هذا المنظر ، جزء من المسرح الصغير من
الداخل .

المشهد الثالث

(توزع مضيفتان كتيبا على ضيوف الندوة .
وتتصاعد أبخرة البخور من مبخرة تمر بها احدى
المضيفات) .

الندوة

وكيل الوزارة - سيداتى سادتى .. بخور هندى ..
تدور هذه الندوة حول تلك الافكار التى ظهرت
وتنادى ببيع مقتنيات مصر من اللوحات الفنية لكبار
فنانى العالم والتى يضمها متحف محمود خليل باشا
والذى اشترها هدية لزوجته الشابة الجميلة ..
ويشرفنا فى هذه الندوة السيد الوزير وكبار الصحفيين
وقادة الفكر والفن فى مصر .

وكيل الوزارة - ادعو الفنان الكبير لنسمع رأيه فى هذه
الندوة حول موضوع الساعة .

الفنان - اعتقد أن موضوع بيع اللوحات
لا يمكن أن يصل الى درجة الازمة
الفكرية .. نبيع اللوحات أو لا نبيع

موضوع عميق وليس سطحى الحياة
المتعددة الجوانب والتي نعلن للمجتمع
فيها رأينا لابد وأننا سنمضى وسنترك
هذا الرأى مسجلا اما أن يكون اليوم
سليما من وجهة نظرنا أو قد يكون فيما
بعد قصة الخطأ والتجنى: احنا النهارده
مجتمعين علشان نقول رأينا .. هل
رأينا قرار يفرض على الرأى العام ؟
هل المجتمعين هم الرأى العام ؟ أم
انهم بيعتبروا انفسهم أوصياء على
الرأى العام ؟ نحن فى مناخ ديمقراطى
الاهم عندى مش الافتخار بان فيه
لوحات عالمية متخزنة فى صناديق فى
حجرة فى متحف من المتاحف .. أعظم
لوحه عندى وأنا كفنان باعتبر ان
اللوحه دى هى اللوحه النابضة
بالحرية .. ازاي .. الفن هو تعبير
عن الحياة والحرية منبع الابداع ..
بالنسبة لكل انسان فنان لابد أن

يشعر بواجباته نحو مجتمعه لان الفن
هو تعبير عن المجتمع والحياة التي
يعيشها الفنان هي عبارة عن انطباعه
عن هذه الحياة اللوحة الفنية انطباع
والقصة انطباع والمسرحية انطباع
والانطباع هو صورة لما يدور
في نفس الفنان ورأيه الواعي واللاواعي
للحياة التي يحيها .. لذلك قد
اتسبب في تدمير انسان اذا اعلنت
رأى مؤيدا لعدم بيع اللوحات ..
هذا الانسان الذي سأطحن مشاعره
بل اسحقها بل ادمرها قد يكون انسان
بسيط لا يجد في لوحة فنية سعادته
وليس مستعدا ان يضحي بثمن تذكرة
دخول المتحف ليرى هذه اللوحات ولكنه
فنان يجد في الطبيعة .. في النيل
الخالد والمراكب الشراعية والنخيل
وشروق الشمس وغروبها متعة يسعد
بها ولوحة من احسن وأعظم اللوحات
في حياته . وشكرا ..

وكيل الوزارة - احنا اكتشفنا ان فنانا الكبير فيلسوف
عظيم ورأيه كان مفاجأة لنا جميعا
ونشكره لمشاركته في هذه الندوة .
ويسرنى ان أعلن لحضراتكم أن
أن الوزارة ستقوم باعداد وطباعة
كتاب كامل على ورق كوشيه
عن كل كنوز مصر الثمينه والتي تمت
الى أصل أوربي . أو بمعنى أدق ،
ابدعها فنانونا أوربا .
والآن أدعو الاستاذ يسرى الأشوح
الصحفى المرموق للحديث .

المشهد الرابع

يسرى الأشوح - ايها الزملاء والزميلات
اعتقد ان هذا الموضوع فى منتهى
الأهمية فهو منعطف خطر فى حياتنا
التراثية ...
هل يستطيع أحد ان ينادى فى باريس
ببيع مقتنيات متحف اللوفر مثلا ...

ايها الساده نحن شعب عريق هو
مهد الحضارة والفن وكنوزنا
تشهد ... على ذلك أننى لا أؤيد فكرة
بيع اللوحات وان تعدى ثمنها الأربعين
مليار دولار وليس عشرة مليارات
دولار فقط وشكرا .

(الاستاذ سليم يرفع يده طالبا
الكلمة)

وكيل الوزارة - اتفضل يا استاذ سليم
سليم - فى الحقيقة سيداتى وسادتى ان هذا
الموضوع منعطف خطر فى تاريخنا كما
قال الاستاذ يسرى ولكن فى اتجاه
آخر ونحن لم نصل لحد اننا شعب
مزخرف فى جيلنا الحالى ... اننا
نعانى من مشكلات عويصة أهم من
الاحتفاظ بهذه اللوحات اننا بنظرة
حكيمه الى حالنا لابد وان نحتفظ بحياة
كريمة لكل مواطن ... لا ان نتشدد

بأفكار عقيمة غير عملية ... اخواني
ان ثمن هذه اللوحات لا يقل عن عشرة
مليارات من الدولارات ... وثقوا
تماما أننا لو أصبحنا عمليين وقمنا
بطرح هذه اللوحات في مزاد عالمي
واستثمرنا ثمن هذه اللوحات
فسنشتريها مرة أخرى من عائدات
ثمنها ... وبذلك يمكن أن نضرب
المثل لشعوب العالم ... بأن شعبنا
هو شعب من الشعوب القادرة ...
والتي تتمتع بالافق الرحب .

والسلام عليكم ورحمة الله وبركاته ..

وكيل الوزارة - شكرا يا استاذ سليم ...

وكيل الوزارة - اتفضل يا أستاذ سمير .

(سمير أحد الزجالين يمتدح فان جوخ

الفنان العالمي ويلقى زجل ركيك) .

فان فان .. يافنان .. حبنا ليك لدرجة مش

قادرين نفرط فيك فان فان .. كل يوم لك على

أمسح لك جـوخ .. وكفاية اسمك من اسم
الجـوخ . ياسلام على لوحاتك .. لوحات
كثير متعلقين نظرة واحدة اليهم .. تشبعنا ..
طموح .. وآمال .. وإبداع فان فان ..
ياقنان .. فنك بيه متعلقين .. من غير ما شوفتك
ولا لوحة .. لكن لوحاتك بيها متعلقين . أنت
وجوجان . وبخور شلقامى بيه الهندي .

وكيل الوزارة - شكرا لكل من تفضل بالمشاركة فى هذه
الندوة والى اللقاء فى افتتاح متحف
محمود خليل بعد تجديده .

المنظر الثالث

الخليفة عبارة عن بوستر حديقة وأشجار ، رصيف ،
إشارة مرور جزيرة وسط الطريق (تقوسط خشبة
المسرح) .

كاميرا فيديو (غير حقيقية) يقف خلفها مصور .
يقف بعض المارة لمشاهدة المذبة ، وهى تسجل
برنامج الحقيقة .

المنظر الرابع :

شارع في منطقة شعبية وقد ازدحم بالمارة •

المشهد الخامس

لقاء تليفزيونى

حول الموضوع

تقدم برنامج الحقيقة المذيعه يمنى المذيعه بالتليفزيون

وخريجة كلية الحقوق ••

المذيعه — في برنامج الحقيقة لنا لقاء مع

الشباب لنناقش معه موضوع الساعة

وهو بيع اللوحات الفنية العالمية من

أجل سداد ديون مصر •• هذا

الاقتراح الذى ظهر بالصحف من بعض

المفكرين •• ويهمنا أن نلتقى بالشباب

الذى هو نصف الحاضر وكل المستقبل

والذى يتطلع الى أن يكون كل شاب

فيه عضوا مستقلا فى هذا المجتمع بعد

تخرجه من الجامعة أو المدارس الفنية

أو المعاهد •• كل ينظر بمنظاره ومن

وجهة نظره الى الموضوع والذي انتهى
فيه كل الكتاب والمفكرين برفض هذه
الفكرة ولكن لشباب مصر الذي حقق
النصر في رمضان المجيد بعيدا عن
اللوحات وعن الحجرات المكيفة رأى
آخر .. لقاءنا اليوم مع الشاب
ابراهيم سعد ..

المذيعــــــــــــــــة - أهلا بيك في البرنامج .. قدم نفسك
ابراهيم سعد - ابراهيم سعد خريج كلية الزراعة
دفعة ١٩٨٥

المذيعــــــــــــــــة - ممكن نتكلم شوية في موضوع بيع
اللوحات الفنية العالمية من أجل سداد
ديون مصر ؟

ابراهيم سعد - ممكن (يمحط شففتيه) والله الناس دى
فاضيه .. المفروض انى أغلى من أى
تحفه .. المفروض بذك ما يناقشوا
الموضوع ده ويقرروا رأيهم النهائى
بستطلعوا الراى العام وخاصة

الشباب .. صعبان عليهم شوية
لوحات .. وأنا عاطل وأنا شاب قاعد
فى بيتنا من يوم ما تخرجت لا شغله
ولا مشغله ..

المذيعــــــــة - يعنى رأيك نبيع اللوحات دى ؟
ابراهيم سعد - طبعاً .. طبعاً .. وألف طبعاً ..
(يشوح بيديه) .. أنا وغيرى من
الشباب نستحق يرسموا لنا لوحه
ويعرضوها فى أعظم متحف فى العالم ..
فيه شباب فى الدنيا يقدر يستحمل
زيناً .. ويقاسى اللي احنا بنقاسيه ..
الواحد يتخرج بعد ما أهله يصرفوا
عليه دم قلبهم فى التعليم ويسهر
الليالى يذاكر أكثر من ١٥ سنة وآخر
المشوار يقعد فى البيت .. ويضيع شبابه
هدر .. وجاين خايفين على شوية
لوحات ..

المذيعــــــــة - لكن ده تراث فنى عالمى ..

ابراهيم سعد - (بحده) وانا ايه ؟ سراب ..
فراغ .. طاقة جبارة عاطلة .. ده
حرام ..

المذمومة - شكرا ..

ابراهيم سعد - فرصة سعيدة قوى

المشهد السادس

المذمومة - وفى لقاء آخر مع شاب آخر .. قدم
نفسك .. فى برنامج الحقيقة

حمدى عبد الجبار - حمدى عبد الجبار ..

المذمومة - الحقيقة احنا بنلتقى بمجموعة من

الشباب وعاوزين رأيك من ضمن

المجموعة دى فى قضية بيع التحف

واللوحات الفنية لسداد ديون مصر ..

حمدى - أنا عاوز أسأل أولا .. كام واحد

بيتفرجوا على هذه اللوحات .. احنا

ولا كنا ندري ان عندنا لوحات

لفانجوخ أو غيره الا لما ثارت ضجه

حول سرقة لوحة زهرة الخشخاش
وهى تساوى ملايين .. المهم كان
الاهتمام بطريقة السرقة مش باللوحه
ذات نفسها وما حصلش ان مجله من
المجلات نشرت صورة للوحه ولا تاريخ
اللوحة ولا اهميتها الفنية والخبر
كان منشور فى صفحة الحوادث .. يعنى
احنا مانزودهاش قوى ونقول ان احنا
بتوع فن واحنا مش لاقين ناكل .. كل
دولار احنا أحق به .. احنا هنا كل
لوحات .. اللوحات دى ماتملاش
بطننا ولا تعمر دماغنا خالص .. انا
أخويا متخرج من الجامعة من ثلاث
سنوات وقاعد فى البيت وبها اديله
مصروفه كل يوم من ما هيتى ..

المذيعــــــــة — انت سنك كام سنة ؟

حمــــــــدى — ٣٠ سنة

المذيعــــــــة — وبتشتغل ايه ؟

حمـدى - ميكانيكى سيارات .. بعد الظهر
وموظف بالنهار

المذيعـة - وليه أخوك ما اشتغلش زيك ؟

حمـد - مزاجه كده .. زى مزاج الحكومة انها
ما تشغلوش

المذيعـة - لكن الحكومة أكيد عاوزه تشغله ..

حمـدى - يبقى البهوات بتتوع البلد ببيعوا

اللوحات دى ويعملوا بيها مشاريع

تشغل الشباب العاطل .. والمثـل

بيقول الايد البطالة نجسه ..

المذيعـة - شكرا يا أخ حمـدى

حمـدى - العفو يا ستى .. ودى فرحه سعيدة

جدا ..

المشهد السابع

المذيعـة - وفى لقاء آخر التقتينا بشاب آخر ..

قدم نفسك

يسرى البيلـى - يسرى البيلـى ..

المذيعــــــــة - بتشتغل أيه ؟

يســــــــرى - خريج كلية التجارة .. وبشتغل بيع
في محل في خان الخليلى ..

المذيعــــــــة - ايه رأيك في بيع اللوحات الفنية ؟

يســــــــرى - والله أنا شايف ان الموضوع ممكن
يكون فيه حل عملى ..

المذيعــــــــة - ازاي ؟

يســــــــرى - يعنى أنا باقـابل كل يوم عشرات

السواح وبلاقيهم جايين مهتمين بشراء

لوحات البردى المقلده واللى بيرسمها

فنانين مصريين وينشتروا منها كثير

وهى طبق الاصل للآثار والبرديات

القديمة اللى عندنا وده يدل على ان

الفنان المصرى موجود والفن المصرى

موجود وممكن نرسم زى اللوحات

العالمية دى .. لكن لو اهتمينا بفنانينا ..

المذيعــــــــة - لكن ايه هوه الحل العملى .. تفكر

ان احنا نبيع اللوحات دى ؟

يسرى - تمام .. نبيع اللوحات دى فى مزاد
عالمى لان احنا لو السواح مهتمين
بصور اللوحات دى كنا رسمناها على
البردى وبعناها لكن السواح عمرهم
ما سألوا عن اللوحات دى .. لو جزء
من ثمن اللوحات نبني بيه كلية
جديدة للفنون ونهتم بالمواهب أكثر
ونديهم فلوس أكثر أكيد حيكون
عندنا فنانون عالميين .. ده اذا كان
واحد عاوز يحل ويفيد البلد
واجيال حتستفيد .

المذيع - شكرا يا أخ يسرى ..

المشهد الثامن

المذيع - والتقينا مع شاب آخر .. سنناقش
الموضوع من زاوية أخرى معه .. قدم
نفسك لو سمحت ..

حسام محمود - حسام محمود ..

المذيعــــــــــــــــة - تفتكر بيع اللوحات الفنية .. ايه رأيك
فيه من الناحية السياسية

حســــــــــــــــام - مسموح بالكلام على المكشوف ؟
المذيعــــــــــــــــة - مسموح

حســــــــــــــــام - اسمحيلي أقولك المفروض نعمل
استفتاء شعبى .. وذا معناه حركة
ديمقراطية سليمة ..

المذيعــــــــــــــــة - شكرا يا أستاذ حسام ..

المشهد التاسع

المنظر الخامس :

رجل الاعمال - مسعد طلخان
مع صديقه أحمد صبرى يجلسان فى
حديقة نادى الجزيرة
مسعد طلخان - ايه رأيك يا أحمد ؟
أحمد صبرى - فى ايه ؟
مسعد طلخان - فى قضية بيع اللوحات ..
أحمد صبرى - القضية دى لازم تبقى دراما علشان
توصل للجمهور ..

مسعد طلخان — انا قریت الجراید كلها عن هذا
الموضوع قومية ومعارضة وانا شايف
ان الناس دول مش داريانين بمشاكل
الشعب •

أحمد صبرى — انت اشتراكى النشأ والا ايه ؟
مسعد طلخان — يابنى انا ابن بلد من زمان من يوم
اتولدت من ايام جدودى ولا هاغير
جلدى •

أحمد صبرى — وطى صوتك لحسن حد يسمعك ••
مسعد طلخان — مفيش فايدة حتى لو وطيت صوتى
انسا شكلى كده ابن بلد مهما بقيت
مليونير صوتى بيدل عليه •• تصرفاتى
بتقول كده •• ابن بلد

أحمد صبرى — وانت ضيعت وقتك النهارده ليه فى
قرايت الموضوع ده فى الجراید كلها ؟
مسعد طلخان — والله دا بزنس يعنى يمكن يغيروا
رأيهم تطأ فى دماغ واحد مسئول
بيبيع شوية لوحات ييقى نعرف نخش

المزاد من أولها ما نجيش في آخر

لحظه وندرس ..

أحمد صبرى - ياه .. دا انت ولا مؤسسة من أكبر
مؤسسات العالم .. يامين يعمل زيك
كده ..

مسعد طلخان - معجبنيش رأيهم انهم مايييموش
اللوحات دى .. شوية لوح بمئات
الملايين كل لوحه مرميه فى صندوق
خشب فى المخزن ومفيش حد دارى
بيها دى جريمة .. افرض الاوده دى
اتحرقت زى ما الاوبرا القديمة اتحرقت

أحمد صبرى - والله لك حق لولا اليابان اتبرعت
ببناء الاوبرا دى ما كانتش حتتبنى ..
الاوبرا الجديدة اتكلفت تعرف كام ..

مسعد طلخان - ٣٣ مليون دولار .. كنت فاكر ان
مقاولتها حتطرح للمصريين ..

أحمد صبرى - اليابان بنتها هدية هدية (موضحا)
مسعد طلخان - شوف لو طرحوا كام لوحه للبيع بدل

ما اشترى الطائرة الهليكوبتر لتتقلاتى
الداخلية والخارجية هاشترى من المزاد
ولو لوحه وها أجل شرا الطائرة •

المشهد العاشر

المذيعه - وفى نادى الجزيرة حيث
معقل الاثرياء والمليونيرات وأصحاب
المناصب العليا نلتقى بالمليونير مسعد
طلخان الذى يعتبر من أشهر رجال
الاعمال فى مصر ••

تسمح يافندم نتكلم مع سيادتك ؟
(تجلس)

مسعد طلخان - بكل سرور (يشير الى أحمد صبرى)
صديقى الاستاذ أحمد صبرى

المذيعه - سيادتك متابع موضوع الساعة
وهو طرح اللوحات الفنية العالمية
الموجودة فى مصر للبيع فما رأى سيادتك؟

مسعد طلخان — والله انا سمعت ان الباشا لما اشترى
اللوحات دى علشان يهديها لحبيبتة
وزوجته ثارت الدنيا واحتجت الصحف
على كل الملايين اللي اشتراها بيها ..
والمفروض يطرحوها للبيع ويدونا
فرصة احنا كمان نهادى (يضحك) ..
انا مستعد اشترى لوحه من اللوحات
دى وبتمنها تحمل الدولة مشاكل
الشباب .. ترصف شارع .. تقيم
مستشفى ..

المذيع — تفكر همه نسيوا الموضوع ده ؟
مسعد طلخان — لا .. همه فى بالهم تعيين مدير عام
جديد ورئيس هيئة واقامة متحف
جديد وعمل مناقصة .. ولم تبرعات
دولية علشان اللوحات
المذيع — طيب ما حضرتك تتبرع علشان نحل
مشاكلنا بالجهود الذاتيه ..
مسعد طلخان — والله انا اتبرعت كذا مرة لكن أسلوب

التفكير لازم يختلف ويتغير مش ممكن
يكون عندى بمليارات تحف ولوحات
وارميها فى مخزن ودى مشكلة الشعب
المصرى ان الروتين والبيروقراطية
ملائون فيها الشعب والشعب دافن
نفسه بنفسه •

المذيعــــــــة — ممكن توضح سيادتك الموضوع ده ••
دافن نفسه بنفسه ازاي ؟

مسعد طلخان — انا كل يوم اقرأ الجرايد الاتي رجال
أعمال مواهب •• الروتين مضيعها
الروتين بيقتل فرص الانسان فى الحياة
وفى ارتياد آفاق التفوق والقدرة على
التحدى وبعدين بنبص للدول الثانية
نشوف انها بتسبقنا واحنا ما شيين
بسرعة السلحفاه •• يعنى مثلا عندك
كوريا حققت طفرات ومعجزات
اقتصادية ومعندهاش لوحات ••
ويمكن المثل البلدى بيقول — الابن
الفقير بينفع أكثر من الابن الغنى لان

الابن الفقير طالع مش لاقي حاجه
يعتمد عليها غير نفسه ولا حتى يتباها
بيها وده أفضل غلشان الواد يطلع
راجل .. انا عصامي كنت لسه باتكلم
مع أحمد بيه عن انى حشترى طياره
لتنقلاتى وانا أصلى فقير ما كنتش
وارث ولا حاجة ..

المشهد الحادى عشر

المذيعــــــــة - الاستاذ أحمد صبرى .. ايه رأيك
فى الموضوع ؟

أحمد صبرى - فى الحقيقة الحاجات دى كدوز لكن
مسعد باشا طرخان لا يعلى على رأيه
ابدا .. انسان ضبر الحياه ونجح ..
ما كانش عنده نيشان ولا تابلوه ولا
لوحه ولا بيانو فى بيتهم .. نعتبرهم
اتحرقوا زى الاوبرا القديمة ماتحترقت
ونبدأ بيهم مشروعات فنية وسكنية
وانتاجية بزنس ..


مسعد طلخان - لسه موضحتش لكم ازاي بندفن
نفسنا بنفسنا .. الروتين بيدفن
المواهب ومين الروتين .. الموظفين ..
والموظفين دول الشعب شوفي بقى كام
مليون موظف بيدفنوا فى مواهب
الشعب وفى مواهبهم همة كمان ..
لو كل واحد خد فرصته حقيقى عندنا
أعظم الفنانين لغاية دلوقتى مفيش حد
عرف سر الالوان الثابته على اللوحات
الفرعونية فى معابد الاقصر ..
مايهتتش ولا اتمحت .. احنا نقدر
نعمل زيبهم .. لو نتابع غيرنا
حنفوق .. مقتنعه يا استاذہ يمنى •
المذيعه - شكرا جزىلا يا استاذ مسعد طلخان
ويا استاذ أحمد صبرى شكرا جزىلا
سيداتى سادتى والى لقاء آخر مع
برنامجكم الحقيقة ..
ستار

الفصل الثانی

المنظر الأول

مكتب وكيل وزارة الثقافة

حجرة المكتب بها المكتب ، انتريه جلد ، مكتبة ،
وتليفزيون •



المشهد الأول

•••••

المذبةعة فى مكآب وكفل الوزارة مآبى الشلقامى —
أنا آابفن نصور المقتنفاا الناءرة اللى فى المآآف واللى
بآساوى ١٠ ملبار ءولار •

مءفر المكآب — لازم الموضوع بالكامل فكون مكآوب
— أفا كان البرنامآ التلفزفونى المباء
ممنوع التصوفر ، أفا كانت الآفة •

المذبةعة فمنى — ففنى هانآكلم عن الموضوع ففابى ؟
مءفر المكآب — ممكن الففابى عنءكم كآفر •

أنا برنمآى ما ففففوش ولا آلفة
ففابى •• كله من أرض الآقففة
والواقع

مءفر المكآب — آلى ءى أول آلفة من الآفال •
المذبةعة — أفه ففنى فاففه ، ءى أسرار عسكرفة ؟
مءفر المكآب — لواحآ آمفنة ، سرقة لوفة هز ءنفا

المذيعــة - وهو كذلك ، برنامج الحقيقة بيأخذ
رأى الجمهور عن اقتراح بيع اللوحات
مدير المكتب - يا استاذة الافضل تقابلي شلقامى بيه
المذيعــة - شكرا

المشهد الثانى

(وكيل الوزارة يدخل)

وكيل الوزارة - أهلا وسهلا ، بالتليفزيون ، أهلا
بالحقيقة

المذيعــة - شكرا (تهمس لنفسها) المفروض
اسجل مع البيه أولا ، دا المنطق
الطبيعى فى هذه الحياة •

فى الحقيقة انا جاية اسجل مع حضرتك
عن موضوع اللوحات ، والكاميرا
تصور كام لوحة •

وكيل الوزارة - أهلا وسهلا •• كده انتى دخلتى
البيت من بابه ، بلغنى انكم جاينين من
متحف محمود خليل

المذيعة - تمام ، انا كنت جايه اسجل مع
حضرتك ، بعد ما تصور المتحف .

وكيل الوزارة - أهلا وسهلا ، انما الجمهور اللي
هاتسأليه في البرنامج نوعيته ايه ؟

المذيعة - انا هاسجل لشرائح مختلفة

الشلقامى - يبقى هاتبعدى عن الحقيقة لان كل
اللى هاتسأليهم ما عندهمش فكرة عن
الموضوع ، ولا عندهم فكرة عن قيمة
اللوحات . بتأيدى رأى ولا فى خلاف ؟

المذيعة - والله ممكن أعمل حلقتين ، حلقة
لحضرتك وللإساتذة والحلقة الثانية
عامة

الشلقامى - شوفى ياستى فى مصر كنز عظيم من أعمال
كبار الفنانين العالميين .. أمثال فان جوخ
والفنان جوجان ومونيه وغيرهم عندنا
متحفان بيضموا لوحات لأغلب الفنانين
العالميين الا جانب هناك لوحة تقدر سعرها
عالميا بربع مليون دولار وفى لوحة بخمسة

عشر مليون دولار ..
عدد اللوحات .. لا يقل عن ألف ومائتين
لوحة عالمية يقدر ثمنهم عالميا بعشرة مليارات
دولار ...

المذيمة - عظيم ورأى سيادتك .. في اقتراح بيع
اللوحات عموما كحصيلة .. وليس لسداد
ديون مصر ..

الشلقامي - دا تخلف .. ازاي أفرط في ثروة فنية
لا تقدر بثمن

المذيمة - طيب ممكن نطرح عدد منها للبيع في مزاد
عالي وتنشأ بيها مستشفى .. مدرسة ..
الشلقامي - هو المبدأ قائم .. بعدم البيع ..

المذيمة - لو وضعنا لوحة مقلدة في مدخل مستشفى
وكتبنا عليها بثمن هذه اللوحة الحقيقية تم
بناء هذا المستشفى .. مش ممكن يكون أحسن
الشلقامي - والله .. القرار ده عاوز دراسة .. عميقة ..
لكن المسألة مسألة مبدأ ..

المذيمة - شكرا جزيلا لمشاركة السيد وكيل وزارة

الثقافة في برنامج الحقيقة .. الذي لا يجب
رأيا ويضع الميكروفون على أفواه الناس
عندما يتكلمون عن ما نبحث عنه وهو الحقيقة .

المشهد الثالث

مكتب الشلقامي - ، جرس التليفون
محيى الشلقامي - (يرد على التليفون) ايوه انا وكيل
وزارة الثقافة .. مين حضرتك ؟
التليفون - مواطن ، يا أستاذ انا شفت امبارح
واحد وكيل وزارة في برنامج الحقيقة
هو .. هو .. صوتك .. عقبال
ما تقف معنا في طابور الكادحين وانت
بتتفرج على كيلو لحمه .. انت بتأيد
بتاع ايه عدم بيع اللوحات .. قولي
انت تبقى ابن مين ؟
محيى الشلقامي - يا أخ انا قلت رأي .. انت بتقلد أحمد
رجب الكاتب الساخر .. لما ..
سلخ .. وشفي .. ما فاضلش غير
انه يخطف ؟

المواطن - شوف انا هادعى عليك يرسموك في
لوحة وانت واقف في طابور الجمعية .
محيى الشلقامى - ياأخ يشرفنى ذلك انا ابن مصر ،
خدامها في كل موقع .

المواطن - دا اللي واخدينه منكم ، احنا خدنا
قلم في ابناء الشعب اللي وصلوا ،
الثورة دى طلعت سكة ، انت أكيد
ابن أحد الكادحين مدام وصلت
للمنصب اللي انت فيه ، لكن تفكيرك
تفكير ابن باشا .

محيى الشلقامى - ياأخ دى مقتضيات المنصب فقط ،
فقط وماعنديش فراغ فكرى ، ياأخ أنا
خريج معاهد الاشتراكية القديمة .

المواطن - المهم احب أقولك رأى فى رأى ، رأى
سكة .

محيى الشلقامى - من غير ما تكرر ، شكرا ، انت مواطن
ايجابى والبلد عاوزة من أمثالك
الكثيرين ، تعرف لو فى زيك ألف فى
البلد كان زمان الصحرا اخضرت من

زمان مع السلامة • يا أيمن • • أى
تليفون استلقاه انت أولا • • أى حد
تانى • • انا مش موجود • • فى
اجتماع (يخرج) •

المشهد الرابع

المعلم فايز عباس ، صاحب نادى
ثقافى بشارع القلعة ، (يدخل) ومعه
لوحة كبيرة •

فايز عباس — سلامه عليكم ورحمة الله

أيمــــــــــــن — انا جاى لسعادة البيه وكيل الوزارة ،
فى موضوع فنى مهم جدا ، الراجل
شفتة امبارح فى برنامج الحقيقة ،
لقيته بيعب الفن ، وممتنع عن بيع
اللوحات الغالية لسداد ديونا ، لكن
انا جت لى فكرة ، انا جايب اللوحة
اللى رسمها الخواجة ينى من ايام
جدى الله يرحمه ، علشان اشترك فى

سداد ديونا ، انا موافق ابيع لوحتي
اهى ملكى وانا حر ، وماتحرمينش من
الواجب الوطنى ده .

أيمــــن — البيه فى اجتماع ، واللوحه لازم
تتشكل لجنة علشان تقدر قيمتها ،
أولا

المعلم — ماشى ، عداك العيب .
أيمــــن — قلت لى مين اللى رسمها ؟
المعلم — الخواجه ينى
أيمــــن — شوف اذا كانت اللوحه لها قيمة ،
يبقى أكيد هاتدخل التاريخ .
(المعلم فايز عباس يخرج نار كاللوحه)

المشهد الخامس

(وكيل الوزارة يدخل)
وكيل الوزارة — يا أيمــــن اعلن عن عمل دراسة للموضوع
وتجديد المتحف لحفظ هذه اللوحات
وحضر مذكرة بالموضوع مع الخبراء
للمعرض على السيد الوزير .

أيمــــمن — حاضر ياغندم

(التليفون يدق)

أم سمير — خترج امتى ياأبو سمير ؟

أبو سمير — حالا .. انتهى الاسبوع على خير ..

أم سمير — شفت للواد وظيفه ؟

أبو سمير — الواد مين ؟

أم سمير — ابنك سمير ..

أبو سمير — واسمه واد برضه ؟

أم سمير — ماترعلش .. خليه سمير بيه من

دلوقت .. المهم لقيت له وظيفه ؟

أبو سمير — طبعا يا أم البيه .. وظيفة هائلة فى

الوزارة عندى قبح مشروع انشاء

المتحف الجديد ..

المنظر الثاني

قصر الغورى ، حيث مراسم الفنانين :

تظهر فى الخلفية من نافذة الرسم الذى تتم فيه مقابلة محى الشلقى مع الرسامين ، باقى البناء حيث الجزء المقابل من القصر ، حيث الطراز الفاطمى فى البناء ، قصر الغورى عبارة عن مبنى ضخم متعدد الطوابق عندما تدخل من البوابة الضخمة تجد فناء واسع مستطيل ، يحيط بهذا الفناء المبنى المكون من ثلاثة اضلاع للمستطيل وتجد بلكونات بطول المبنى تطل على الفناء ، ويحجب السكان عن الناظرين الواح من الخشب المعشق الارابيسك ، مشربيات امام مدخل كل حجرة ، ويعطى المنظر العام لأول وهلة انطباعا بالانبهار لهذا المبنى الذى خصصته وزارة الثقافة كمراسم (اتيليهات) للرسامين ، والفنانين التشكيليين عموما .

ويوجد بمuseum يوسف الصميدى كنبستان ومقعدان وكثير من اللوحات ، وحامل للوحات ، ومجموعة من اللوحات النصف مرسومة ، المبروزة والغير مبروزة .

وباليئات وفرش وانايب الوان . وسخان للشاي وترمس
وعدد من الاكواب . على مائدة جانبية ، بالاضافة لمائدة
بوسط الاتيليه ، ومائدة اخرى جانبية والحائط مغطى
بلوحات كثيرة . رسمت بالالوان الزيتية .

المشهد السادس

لقاء الفنانين بقصر الغورى بالفورية

محىى الشلقامى وكيل الوزارة فى زيارة لبيت
الفنانين . (الاتيليهات) فى مرسى يوسف الصعيدى
الفنان المتفرغ ، حيث جلس لاحتساء كوب من الشاي
معه .

وكيل الوزارة — ايه اخبار الفن ؟

يوسف الصعيدى — والله يامحىى بيه . . الفن انت ادرا
بحاله منى ، انا زى ما حضرتك
شايف .

وكيل الوزارة — شفت الاقتراحات الغريبة على الفن
وعلى الحياة نفسها

يوسف — بيع اللوحات الفنية العالمية ؟

وكيل الوزارة — تمام .. شئ غريب على وجداننا

يوسف — والله ياباشا القائد الالمانى بسمارك

كان صاحب مبدأ « الغاية تبرر

الوسيلة » • ومصر بكنوزها وانتاجها

مش محتاجة تتمسك بأطراف باردة •

وكيل الوزارة — التراث العالمى اطراف باردة ، يوسف

انت فنان ، ازاي تفقد حماسك

للفن •

يوسف — رأيى يا سيادة الوكيل كده .. انا من

الصعيد وعارف ان آثارنا بييجيها

السياح من آخر الدنيا لكن مجاش

سايح واحد علشان الانتاج الاوروبى

اللى موجود فى مصر • احنا وكنوزنا

لسنا فى حاجة لمقتنيات أوروبية •

وكيل الوزارة — ياه .. انت يا يوسف بتأيد فكرة البيع •

يوسف — لك على ارسلك لوحات من الصعيد

الجوانى تضرب اجدعها لوحة عالمية

المشهد السابع

احسان - (يدخل مرسى يوسف) أهلا
محيى بيه خطوة عزيزة .

وكيل الوزارة - اهلا يا احسان اخبارك ايه
احسان - بخير . .

وكيل الوزارة - شفت صبحك عاوز نتاجر فى اللوحات
العالمية

احسان - الجرايد كتبت رأى الكتاب فقط . وانا
رأى انهم سافروا أكثر من اللازم ،
وعاشوا بره سنين طويلة ، واحساسى
بيقول ان اللى جواهم عكس رأيهم
المعلن . الواقع بيقول كده . اللى
محفورة الحارة فى شخصيته ، مش
ممکن هايوافق على وقف حال ١٠ مليار
دولار فى متحف ، وأهله لسه فى الحارة،
وهو كل يوم بيشوف بلاد بتهد وتبنى
وتسكن أهل الحارة فى مدن جديدة

وكيل الوزارة - ده تخطيط موجود فعلا
احسان - تخطيط ... لكن التنفيذ امتى
يوسف - حارة ايه يا ابنى ، الحارة حلوة أوى
بالنسبة للساكين فى المقابر
وكيل الوزارة - (يقف) انا ماشى اروح اولاد ...
مشاغبين زيكم .
احسان ويوسف - محبى بيه ، البيع أفضل
وكيل الوزارة - غريبة افكاركم دى ... ابراهيم
موجود ؟
يوسف - أيوم

المشهد الثامن

على الباب تستقبل محبى الشلقامى
مجموعة من الفنانين أصوات عاوزين
نقعد مع سعادتك شوية
وكيل الوزارة - انا معاكم النهارده بالكامل والغدا
علينا من ... علينا من الدهان .

وكيل الوزارة - شوفوا عاوز اعرف رأيكم في موضوع
الساعة • مناقشة اقتراح بيع اللوحات
لسداد ديون مصر

أيمــن - مصر في حاجة للمال •• نبى أوبرا
تانية في الاسكندرية •• ونبى
مستشفيات أوبرا القاهرة كان مكان
موحش مهجور - المتحف اللي فيه
هذه اللوحات الثمينة شبه مجهول •
حتى لو ثمن اللوحات مائة مليون •

اسمــــاء - انا باعتقد ان كل اللي بيرفض طرح
كنوز الانتاج الاوروبى اللي موجود في
مصر للبيع في مزادات عالمية ، عاوز
يظهر انه راجل هاى • انا كفنانة
باشوف الجيل الصغير في ازمة امام
أزمة القرار •• اعتقد ان كوريا مثلا
حققت معجزة من غير ما تملك لوحات،
واليابان اللي بتقول حكومتها للشعب ،
ارتاحوا ، خدوا اجازات ، بذروا ،

أصرفوا ، لفوا العالم ، هل عندهم
لوحات ؟ ما عندهم مش . احنا بلد عربي
بانتاجه الفن من آلاف السنين ،
واحنا ولاد مصر مش في حاجة للاحتفاظ
بكل الكم الموجود .

سعاد - انا مستعدة ارسم لوحة طبق الاصل
لاى لوحة ، علينا نرسم كل اللوحات
الفن فلسفة ، رؤية والرؤية بتنبع من
منهج فلسفى للانسان فى الحياة .

وكيل الوزارة - الله أكبر

سعاد - محبى بيه بيعوا ، واحنا هانموضكوا
بانتاج روائع .

وكيل الوزارة - ربنا بيحب عبده الفشار ، فين انتاجك
سعاد - هاأرسم لوحة زهرة الياسمين ولوحة
زهرة الليلك .

يسرى الشهير بأمشير - يعنى احنا مرهفين الاحساس
أوى لما هاتتوتر اعصابنا من غياب
اللوحات الشهيرة ، احنا كده عاملين

زى البرنس اللى فى رواية الايدى

الناعمة ، مفلس وما حلتوش غير

اخرس (يقلد الفنان أحمد مظهر) •

محيى الشلقامى — يا أمشير آخر زوبعة رسمتها مركب

بتغرق ، وقلت ان احنا الزوبعة

والمركب مصر ، واحنا اللى بتغرق

مصر بكلامنا وقرارتنا الغير علمية

والغير مدروسة ، طيب قولى الموضوع

ده ابخته علميا ازاي ؟ •

يسرى أمشير — انا سمعت الراى العلمى فى برنامج

الحقيقة التلفزيونى

محيى الشلقامى — ايه هو وانا •• فى السنة الجاية يكون

للزوابع بتاعتك معرض •

يسرى أمشير — نعمل استفتاء •• هو ده الحل العلمى •

محيى الشلقامى — دى فيها تغير الوزارة بحالها ، كلنا

كده مش عارفين نكون راى ونوصل

لقرار •

يسرى أمشير — هو ده مربوط الفرس وبيت القصيد ،

القرار الديمقراطي ، مش القرار اللي
جاي من فوق ، حتى (يسكت) اكمل

محيى الشلقامى - حد منعك من الكلام

يسرى أمشير - يعنى كل حاجة تمس حياتنا نجرى
استفتاء ، نجمع كل الموضوعات
الاحتاجة استفتاء ، وفي يوم واحد
نجرى الاستفتاء ، دى تبقى
الديمقراطية . والشعب فى الحالة دى
بيتحمل المسؤولية فى اتخاذ القرارات .
يعنى الشعب لنفرض انه مش عاوز
يتفرج على اللوحات بيقى نبيعها ،
هو حر

محيى الشلقامى - ولو النتيجة جت لا نبيع ؟

يسرى أمشير - بيقى براحتهم ، خليههم يقفوا طابور
يلجسوا اللوح وياكلوا فول
محيى الشلقامى - طيب يا أولاد أنا ماشى (يخرج)

المشهد التاسع

رأى صحفى من صحفى المعارضة ، نشرته صحيفة
معارضة المشهد والحوار فى وكالة الغورى حيث يتداول

النقاش في هذا الرأي بعض الفنانين • يوسف الصعيدي
واحسان ويسرى أمشير واسماء وسعاد •

يسرى — مين قرا مقال أبو المكارم النهاردة في
الجرنال •

يوسف — أي جرنال ؟ •

يسرى — جرنال المعارضة

يوسف — برضه اى معارضة •• فى مصر دلوقتى

سبعة جرايد معارضة لاكثر من ثلاثة

احزاب معارضة ، المهم المقال بيقول

ايه ؟

يسرى — الصحفى بيقول رأيه ، فى قضية بيع

اللوحات الفنية اللى بتملكها مصر ،

بيهاجم صحفى الصحف القومية ،

وحاطط بين قوسين (ق ع) قاف عين •

يوسف — قصده ايه ؟

يسرى — فسر رأيه زى ما تحب ، المهم انه بيقول

عن الكتاب والصحفيين اللى بيرفضوا

بيع اللوحات فى مزاد عالمى ، انهم

مفتريين ، وعاشوا بره مصر أكثر
ما عاشوا فيها ، والمقال نص صفحة •

إسماء - (تدخل) ايه الموضوع ؟

يوسف - مقال أبو المكارم النهاردة

اسماء - جامد ، بيقول ان هزيمة سبعة وستين

كان سببها ازمة اخلاق وبيتصور ان

قائد الجيش دلوقتى اتجوز راقصة

شوف الشعب هايكون رد فعله ايه ،

لكن فى الزمن الأغبر الشعب كان

مختلف ، خد الامور ببساطة قاتلة

يوسف - حتى يا اسماء قائد الجيش دلوقتى لما

يفتكر الذى مضى ، امام مسؤولياته

الراجل هايذهل ان فى قائد جيش

ويحمل امانة جيش البلد والدفاع

عنها ممكن يرضى انه يتجوز راقصة

اسماء - ضيع الشرف والانضباط العسكرى •

يسرى ويوسف - (يضحكان) الشرف والانضباط

العسكرى ها ها ها لكن الرقابة يظهر

انها كانت موافقة

اسماء - انا بتكلم جد ، ربنا حفظ مصر لولا
ربنا علينا ، ولولا شعبنا ، فيه رجال
محترمين كنا ضعنا في احتلال مساحته
أكبر من سيناء ، ربنا ستر ان اليهود
معدوش القناة في سبعة وستين

المشهد العاشر

(سعاد تقترب وتدخل)

يسرى - قفلوا الموضوع سعاد أبوها ضابط

سعاد - سلام .. سكتوا ليه ؟

اسماء - يسرى عنده بواقى خوف من مخلفات
عصر الاستبداد

سعاد - خف واشفى يا ابني كفاية خوف ..

أمال لو كنت الصحفي أبو المكارم كنت

عشت طول عمرك خايف ومستخبي في

عشة فراخ أو تحت السرير

يوسف - واخذ بالك ، أبوها ضابط لكن من انصار

الحرية

• ربه يا رسول الله •
سعد - صباح الخير ، أبو المكارم النهاردة
فارد جنحتة وطاير يخلق ، بيقولك ان
الاختيار مش صعب وان القرار يجب
ان يكون بيع اللوحات ، ثم يحلل
الموقف قائلًا ، ان الازمة ازمة فهم أو
ازمة اغتراب ، ولا بد ان يفهم الجميع
ان القيمة فى العقول وليس فى القصور
والتحف ، وان الولايات المتحدة
بتشترى العقول رغم انها اغنى دولة
وتوجد ميزانية لشراء العقول ولا توجد
لديهم ميزانية لشراء اللوحات • ولا بد
ان احنا ايضا نكون دولة ابحاث
وعلم ، ونترك لهواة اللوحات متعة
اقتنائها والحفاظ عليها •

يسرى - نفسى اشوف قمر صناعى مصرى ،
أفضل من لوحة لاي فنان ، دى احسن
لوحة فى عصرنا ، نفسى اشوف لوحة
ألف جرار بيغزوا الصحراء •

سعد - دا بيقول صبح النوم ياناس يا هاى •
(تخرج)

المشهد الحادى عشر

يوسف - يعنى كلامه مش جديد •
يسرى أمشير - انا هارسم لوحتين ، فى المفاجأة الاولى
من نوعها بين ابنان جيلى •
(يقف امام لوحة زهرة الخشخاش بعد
أن انتهى من رسمها ومعه يوسف
الصعيدى وقد وضع يده تحت ذقنه) •
ضيعت وقتى فى رسم لوحة مقلدة ،
الفن مش تقليد لوحة ، الفن هو ما
ينبع من الانفعال

يوسف - ممكن تتفع ، بيعها لتاجر من تجار
الصف ، جيرانك على بعد خطوات •
يسرى - هو فى حد منهم فاضى •
يوسف - اللوحة الاصلية • بتساوى ملايين •
يسرى - وفيها ايه لما يبيعوا الاصلية ويعلقوا
بدلها ، لوحتى

يوسف - انا رسمت لوحة ، معبرة عن حياتنا
ومستقبلنا اكثر .

يسرى - اكشف عن روائعك يالينارد

يوسف - (يخرج) دقيقة واحدة .
(يعود يوسف ومعه لوحة ويضعها على
القائم أو الحامل) .

يسرى - بائع الفول ، اهم مصرى فى خضم
الحياة اليومية ، من غيره ناس كثير
تجوع .

يوسف - خشخاش المصريين ، أو كباب المصريين
يسرى - الله يرحم ، فترة الكباب ، عصر اكل
الكااب الحقيقية ، بقت ذكريات لن
تتكرر .

يوسف - خطينا فى اللوحة
يسرى - معبرة ،

يوسف - رائعة . انا هاشتراك بمجموعة لوحات
عن الحياة الشعبية فى معرض فى

باريس يمكن بعد مائة سنة ، يتكلموا
عنها ، لوحة المدمس وتساوى خمسة
مليون فرنك •

يسرى — تفكر ان واقعا يتبلع ، او بمعنى آخر
حياتنا بقت زى الخلطة المتباعدة ،
المتناقضة •

يوسف — بقت سمك لبن تمر هندى ، ما فيش
التناسق التوافق المهارومونى بقت عاملة
زى واحد عامل نفسه رسام ، وهو
ما عندوش فكرة •

يسرى — نعمة الرجل المناسب فى المكان المناسب
كان شعار تذبج من أجله الاضاحى ،
وتندر له الندر •

يوسف — دلوقتى ، الحرس القديم ، واقف فى
الساحة مش عارف هو مكانه الحقيقى
فين ، مش قادر يستوعب الحاضر لانه
متناقض مع تكوينه •

يسرى — تمام انا مش ممكن ارسـم لوحة غصب

عنى ، ولكن لا يمكن ان اقف فى جمود
الابداع مرونة فى الحركة والتصور •
يوسف — الحرس القديم مشهاىسيب مكانه ،
ولا ها يغير الا من خلال امكانياته
المعروفة مسبقا ، لذلك تلاقى اللى فى
اللعبة بيقولوا فورا ، مافيش فايده
دلوقتى لما تمعد الجيل القديم وأغلب
الحرس القديم ، هو جيل الخمسينات
والستينات ، من سنة خمسة وستين
لغاية تسعين ، خمسة وعشرين سنة •
اتولد فيهم ثلاثة وعشرون مليون مولود
اظن الموقف لازم يقول ان الاجيال
الجديدة ، لابد ومن حقها ان تجد واقع
أكثر سهولة ، أقل مرارة •

يسرى — الموقف صعب يا يوسف ، مصر عاشت
وشافنا اجيال اتجبرت على ولادها
المستعمرين ، اللى فى اللفة واللى فى
المدرسة ، واللى مش لاقى مكان لغاية

سست سنين ونص من غير تعليم ،
تعرف اللوحات دى بكام بمليار دولار
١٠ مليار •

يوسف — اكننا بننفخ فى قرية مقطوعة • ما فيش
فايدة •• يسرى الخوف تكون اللوحات
الحقيقية اتباعت ، فعلا من زمان

يسرى — انت بتشك
يوسف — افكر انه ربما قد حصل
يسرى — انا تعبت تعبت يا يوسف كفاية أحسن
انا حاسس انى سافرت لاسيوط
ماشى •

يوسف — كفاية عليك كده تثقيف •
اسمع منى كمان الكلمتين دول ، فى
ناس بتعتقد انه مدام لهم مناصب
يبقى هذا المنصب يخولهم صلاحيات
ارتكاب كل الاخطاء •
عارف حكاية المفلس اللي اشتري رغيف
عيش ووقف جار محل كباب يأكل يغمس
على الريحه •

يسرى — يضحك ، تيجي نعملها ، شوف أحسن

حل نأجر شقة ، قريبة من كبابجي •

يوسف — هو ده الحل ، ده حل سلبي ضعيف ،

افرض الكبابجي خد اجازة نعمل ايه

يسرى — قفل يا حسن لو حد سمعنا يقول علينا

مجانين • (يهمس) يوسف لو الكبابجي

خد اجازة معناها ان مافيش عيش ،

يبقى هانكل بأيه ؟ نأحد اجازة ، وقبلها

نعمل حسابنا نعبى الرائحة في ازايير •

المشهد الثاني عشر

مظاهرة تطالب ببيع اللوحات ، وتردد هتافات •

داخل قصر الغوري • بيعوا بيعوا أكرم ليكم •

باد بلاك داي تويو شلقامى بيه ••

المشهد الثالث عشر

الأمن المركزى يدخل ويعتقل المتظاهرين •

المشهد الرابع عشر

المنظر الثالث

غرفة وكيل النيابة ، حيث المكتب ، ومجموعة من
المقاعد

المتظاهرون يمثلون امام وكيل النيابة :

(وكيل النيابة يجلس على مكتبه) •

أحمد شرف - أحمد شرف المحامى وأمين الحزب
الوطنى الديمقراطى عن المنطقة -
والمحامى عن المتهمين • السيد وكيل
النيابة لقد وجدت من واجبى الوطنى
ان أقف للدفاع عن شباب مصر الذين
وان تجاوزوا النظام فى التعبير عن
رأيهم فى قضية من القضايا الا أنهم
لم يتجاوزوا الحدود ••• لقد أعلنوا
رفضهم لبعض آراء الصحفيين المعلننة
عن ندوة حول بيع اللوحات الفنية
الاوروبية الأصل ••• وهذا فى حد
ذاته درب من دروب الوطنية ••• وكل
ما حدث هو حوار ديمقراطى عالى

الصوت داخل مقرهم ... ولم
يخرجوا الى الشارع وحتى وان خرجوا
فهذا لا أعتقد أنه يعد خرقا للقانون
العام لذا أرجو حفظ البلاغ ضدهم
وابطال اجراءات الضبط والتفتيش
واقترام مقرهم ... دون مبرر سوى
أن البعض منهم قد تصايح أو صرخ
برأيه وهى صرخة ديمقراطية مستحبة
فى عالم متغير يزخر بالمتغيرات التى
لا يمكن أن يتوقعها أى سياسى محنك
فى العالم ... الذى نقع فى قلبه ...
ونحن دائما قد سبقنا أوروبا الشرقية
فى الحريات منذ مايو ١٩٧٠ حيث ثورة
التصحيح ... التى أكدت الحريات
لذا أرجو بعد كل هذه الحجج
والأسانيد القوية حفظ التحقيق ...
(تصفيق من المتهمين)

وكيل النيابة - (ينظر الى المحامى وقد غلب الابتسام
على وجهه يتحول ببصره نحو
المتهمين) ... لا ولد ...

أحمد شرف - نعم

وكيل النيابة - ولد .. تقش - افراج

أصوات المتهمين - طبعاً افراج .. واحنا عملنا حاجة ..
دول كانوا بيتهوتنا بس ها ها ها ...
كنا ها نبقى فى الباي باى ...
متشكرين على الصدف السعيدة
يا سعاد ... أكيد لما عرفوا بأباكى
لواء شرطة ... أفرجوا عننا ...

المشهد الخامس عشر

انترية منزل محبى الشلقامى

المنظر الرابع

محبى الشلقامى - أخيراً ظهر صحفى من مؤيدى بيع
اللوحات ، بيقول ايه اخينا

سمير محبى الشلقامى - بيقول أن بيع اللوحات حدث
متكرر فى كل بلاد الدنيا ، ولا يعيننا
بيع اللوحات ، وان اختفاء المتسولين
من خان الخليلي اهم من هذا الموضوع ،
وان اختفاء اللوحات من على جدران
متحف فى القاهرة ، وبيعها فى مزاد ،

وتخصيص هذا المبلغ ليس للتنمية
على احسن مثال ولكن لانفاقها في
انقاذ آثار مصر الللى في خلال مائة عام
قد ينهار جزء كبير منها ، كل ده أهم
من الاحتفاظ بهذه المقتنيات الاوروبية
الللى قد تمثل ضرورة الاحتفاظ بها
آثار جزء من الشخصية الفرعونية أو
التركية المتعطسة ، المترسبة فينا من
آلاف ومئات السنين •

محيى الشلقامى — الله ، كل واحد عاوز يكسب الجولة ،
خط ايده على الجروح وضغط لكن انا
مش ها أقول لا آه ولا يمكن يقنعنى
بآرائه التخلفية دى ابدا •

سمير — دا مش متخلف ، دا تفكيره عملى ،
وبتاع سوق ، هات وخد ، والللى
تغلب بيه العب به •

محيى — الله الله على جيل آخر زمن
سمير — بفضلكم يا سيادة الوكيل

محيي — ولاه انت مفيش مصروف الشهر ده
أم سمير — شوف يا سيادة الوكيل سمير معدش
عاوز مصروف ، اشتغل من أسبوع
محيي — ازاي وفين ؟ مش ممكن تحصل في البلد
ان خريج يشتغل من غير واسطة ..
على الاطلاق .. ايه خالك كلم لك
واحد من معارفه ، قوللى .
أم سمير — يا أبو سمير البركة فيك ، سمير
اتوظف بصييتك من غير خاله ولا خالته
محيي — ازاي ؟
سمير — رحت قدمت نفسى ومعايا كارت منك ،
اشتغلت .
محيي — الحمد لله ، يعنى اتصرفت ، جدع ،
أبوك في وادى وانت في وادى
سمير — انت في وادى اللوح والملوك وانا في
وادى الكروت والوسايط علشان
محيي — واجبات وظيفتى ، بتحتتم على الدور
ده ، والا البلد تتقلب لفوضى كل واحد

يطلع باقتراح في الجرايد ناخذ بيه ؟

دى تبقى فوضى •

سمير — أبويا •• طيب الله خاطرکم • یاسعادة
وکیل الوزارة •

للعلم الامن المركزى اقتحم قصر

الغورى واعتقل كثير من الفنانين •

محيى — عارف •• ما تمرش فيهم الكباب ••

سمير — هتفوضك بلاك داي تويو شلقامى
بيه (يغنى)

المشهد السادس عشر

محيى الشلقامى يحدث ويحاول نفسه :

محيى الشلقامى — أنا وكيل وزارة الثقافة ، بطبيعة
الحال شخصية مثقفة وأقوم بمهام وظيفتى ، وأجد قناعة
في منصبى الوظيفى ، شلقامى ليس له طموح أكثر
ويحب وظيفته بل يؤديها طيلة النهار بغير أى ملل ،
فوظيفته محببة له ، وليس له دخل آخر من وراء
ميراث الا قليلا • وينتمى الى أسرة ريفية فهو ليس
ابن المدينة ، وليس ابن موظف بل لقد كان الموظف الاول
في عائلته واراد القدر ان يدفع به بل ربما ليسخر
منه ، وهو ابن القرية الذى يحاول ان يمنع بيع لوحات

يقدر ثمنها بمئات الملايين من الدولارات باسم المراقبة ،
دورى الوظيفة طبقا لسياسة الدولة ، كانسان
نشأ فى طبقته ولم يعبر عنها ، محبى لازم
تسمع همسات محبى الشلقامى المدوية » -
انا فلاح ابن فلاح ، حذفك مجموعك فى الثانوية
على كلية الفنون ، والفن يعنى بقى زى دينك ، منطقتش
ليه يا محبى يا ابن الشلقامى وقلت علنا والله بتمن
اللوحات دى نعالج ضحايا البلهارسيا ، كنت قلت كلمة
زى اللى قالوا ، بغض النظر عن البعد والعمق الحضارى
والثقافى والاحساس الفنى احنا الحاضر ليه ما بنصنع
أبعاد حضارية .. ليه كل حياتنا بقت أخطاء .. بقت
فرجة على ما ضينا .. فى حاضرنا فى مستقبلنا ..
فىن ؟

بغض النظر عن البعد والعمق الحضارى
والثقافى والا حساس الفنى ، تجارة اللوحات الثمينة
حاجة ثانية ، يعنى الحصول على المال أو صنع المال
فن أصعب فى الحياة من قضية الاحتفاظ أو بيع لوحات
موروثة .

والمفروض انى حاليا فلاح مثقف ، أرض أبويا
المفروض انى بأزرعها وشارى ادها مرتين • والمفروض
انى شارى أرض من جمعية استصلاح ، علشان جذورى
تمتد وتنشعب وتقوى ، لكن مكتب التنسيق رماك على
الفن ، ولا انت دارى بالزمن لغاية مبيقيت وكيل وزارة
الثقافة ، كان زمانى فلاح صاحب زريبة مواشى فيها
مائة رأس لو بديت ببهيمة واحدة • كان زمانى معدى
النص مليون • لو الواحد كان بيحسب كويس من الاول
بالورقة والقلم ، كان مجرى حياتى اتغير •


دلوقتى انا موظف وأولادى ها يقولوا عليهم أولاد
موظف ، يعنى من الهيكل العظمى للمجتمع ، والعظم
قوى لكن لا يطعم ولا يشبع من جوع •

مستار

مسرحية

انسان النحام

للمسرح التجريبي



انسان الزحام

المنظر :

١ - يلبس الممثلون صناديق كرتون ملون تغطي أجسامهم ورؤوسهم ولها شبك يطلون منه وبداخل كل صندوق يدان من الداخل يتحكم بهما الممثل في الصندوق أثناء حركته على المسرح أو تخرج الأذرع من الصناديق عند الاكتاف .

صناديق أخرى صغيرة بها أطفال ...

٢ - صناديق كرتون وقد تراصت على المسرح وكأنها شحنة على سيارة أو بضاعة قد رصت في مخزن الحركة ... ويوجد بعض الصناديق بدون حركة طيلة العرض . تتحرك هذه الصناديق في حركة منتظمة وكأنها برمجت كالروبوت ...

هذه الحركة لها إيقاع بالأقدام كأنها طابور عسكري أو إيقاع رقصة تدق الأرض بالأقدام ...

وحركة نها موجة تدافع في الزحام ...
وحركة محاولة اللحاق بأتبويس مزدحم مع سارينه
قوية للأتبويس المسرع الذي لا يقف . حركة تصادم
بين المشاه أثناء السير عن غير قصد مع توتر ولحظة
صمت وتلاقى للعيون ثم سير .

المشهد :

٣ - (يخلع البطل الصندوق) (صائحا) : ...
لا ... لا ... لا ... أنا مش ها تصندق مش ها
تبرمج ... صاى نايم نايم صاى ... لاهث
أبدا ... لا ... لا ... لا ...

أنا انسان له احساس ...
أنا انسان ... له احساس ... أنا انسان ...
(موسيقى) متداخله من ستريو سيارة مع كلاكسات
السيارات

وتخلع البطلة الصندوق صائحة : أنا انسانة ...
أنا انسانة (بصوت هادى رقيق) ثم يجلس البطل
والبطلة على الأرض في وسط خشبة المسرح :

٤ - تستمر الحركة بالايقاع معبرة عن استمرار

الروتيني اليومي للانسان الذي يدور في دائرة مشاكله
اليومية دون أن يحاول أن يرجع الى داخله ... ليبحث
عن احساسه ومدى رضاه ورفضه لهذه الحياة التي
يحياها • ومدى نجاحه فيها ... (حركة مستمرة)
(للصناديق) فمن المؤكد أنه عاش سنوات طويلة
دون أن يلقي برأيه في حياته هو ... وليس كما يفعل
دائما وهو ابداء رأيه في حياة الناس •

(يقف البطل والبطله) (تهتف البطله والبطل) :
احنا فين •• احنا ايه ... ورايحين على فين (حركة
تعبيرية) احنا مين ؟

في تكرار

٥ - نستمر الحركة بايقاعاتها على المسرح مع صوت
تحطم فانوس السيارة •
٦ - الأضواء ساطعة ترمز للنهار مع انخفاض
الاضواء حتى تصبح خافتة رمز لليل • انه يوم كامل
من الحركة المترابطة للصوت والضوء وحركة الكتلة •
يراعى أن الخلفية عبارة عن مدرجات قد ازدحمت
بصناديق بشرية •

وهذه المسرحية معبرة عن ايقاعات الحياة المختلفة
بأقل قدر من الكلمات ... قد تصدر همهمات مع
الموسيقى التصويرية • أو صوت راديو ...

والصور التعبيرية للايقاعات متعددة ... مثل زحام
الطابور أمام كتيك لبيع الخبز دون أن يشتري أحد
فالخبز لم يصل من الفرن وكذلك ضيق الانسان بالزحام
أثناء السير على الرصيف • انها عموما معبرة عن
لحظات الضيق التي تمر بالانسان في أثر الزحام
ومن أثر تكاثر مشكلات ومتطلبات الحياة بحيث يمر
اليوم ولا يفرغ الانسان الى نفسه ... أو بمعنى
آخر لا يتوقف الانسان عن لهته • ليتفكر في أحواله •
حتى وهو جالس فهو يهرب من مواجهة نفسه ...
بمشاهدة التلفزيون أو الفيديو ... انه يريد أن يكون
كزورق مندفع في النهر دون أن يواجهه ودون مقاومة
للموج أو بذل مجهود في التجديف ولكنه مكتف تماما
بأن الزورق تحمله الأمواج •

نهاية ...